

# Jekabaara

Jamana



World Vision

Cikela ceman n'a musoman kunnafoniseben  
a be bo kalo o kalo  
Jamana baarada la BP. 2043 Bamako (Mali)

## Koori lakolokolo be senna CMDT maraw kono

je 2-3 - 4-5 ani 11nan

### Dantigélikan

#### An ka ke dalilutigiy ye

Surukuba ka kuma te wa : "maa b'i yere dege sen-kelentaama na kasoro i sen fila keneman b'i koro, berasa dije don bee n'a ka tige don, dije don bee n'a taabolo don !"

A kafisa cikela k'a boloyelemafénw sicaya bi bi in na samijefebaaraw ni tilemafebaaraw keko juman kono. O la, jiginew be fa dunkafa sabatiénw la, ani ka jufakónona girinya yéremusakaw ni dumusakaw nénaboko juman nafolo la. Ni tige don ko sigi te maa son, a ka gelen fana kufewulikajo ka maa bo nafa kan. O ye dafen kelenpe min nafa, i k'a don o ye wulu ye dère. Ale kelenpe de ka kufewulikajo b'a bo kolo kan. Cikela ka kan ka hakili jagabo de ke sanga ni waa-ti bee walasa k'a don sene senfebaaraw walima a kofebaaraw la, ale be se k'i banban minnu kan k'a yere nafa : kungo baara, jiridenbo ni jiribaara sariya hukumu kono ; nakobaara ; débenw n'u noggonnaw defeli... A ka ca haali. Umu Sangare ka dónkili teremekan te wa : "nafoloba de be waga kono, naantankolon te min bila kene kan waati si !".

Cikela b'a diya dère ! Nk'o ko fiñemayoro ye min ye o de ye k'ale yere dalen t'a joyoroba in na. Dije jamana kelenpe te dugukolo k'kan bi min wasofen fôlo t'a ka cikédaw taabolo ye. Nka jantoyerela dörönpe de b'a to cikela k'a yere don maaba ye jamana maabaw cero de ! Ka cike, k'i yere balo ani k'i sankrota bangamara ni bololabaara dakun na. O te taajé kótingebali lahala ye wa !

Walasa ka cikélaw lada u yere la, a kafisa u ka bo dije fan werew fe cikélaw taabolo kalama. O de kamma jekabaara sèbennekulu be k'a lajini ka kunnafoni-sira sabatilenw soro dije fan bee cikélaw kan. A ka c'a la an bëna je soro o la. Nka sanni o fasariw laseli ce, an b'a nini cikélaw fe u ka wulikajo ke u dònbaaraw waleyali la. N'o kéra u lahala negeminébagaw be caya haali ka teme u nafetaamanaw hake kan u bolofen soro li danma kamma !

Tumani Yalam Sidibe



### "Den min b'a kaman koroتا o ta ka di"

je 8nan

### An ka dunkafa sabati

je 11nan

SANANKOROBA KOMINI KIBARUYA

"Bolonkoniden kelen te bels ta"

je 9-10nan


Nesigi jiginew ye kongo keleminenba ye

je 3nan

"Kalan be mögo son hakili la, nka kunnafoni be mögo bo kunpan na» Yoro Ulen Sidibe"

# Ka se CMDT cikclaw ma N balima cikclaw

**A**n be senefernw kanni (boli) waati berebere de kono sisani. O y'an ka timinandiya baara kelenw bee labanbaara ye : k'a da-



**Usumani N. Tarawele**

mine foro senuya la, ka se laburu ma, ani danni, ni foronogodon, ani koosenni, kan'a kunc furakeliw la, cikeda kelen kelen bee ka kan k'a yereslaben a ka sumanw kanni kanma (kaba ; keninge ; sanjo), ani a ka koorib kanma.

Ni koorib kera ka ben koordienw dayeleli ma, o b'a to an be tanga koori kalite tijeni ma. O b'a to fana an be waati kerenkernnen sor su manw kanni kanma. Kaba karilenw kala be joga, k'u fara jogon kan ka koorib makonon, ani sajo ni keninge kanni. Baara labenkojuguya fen o fen mana ke nin waati in na, o no juguba be ye koori kalite la, n'o bena n'an ka sor nagasili ye.

I n'a fo an y'a ke cogo min na kalo temenen na, nin sen in fana an b'an banban koorib taabolo kan koori de be senefern tow musaka ta, ani ka yiriwa don cikeda taabolo la (a ka sor). Koori wolomani ka ke koorib senfe, ka koori lasagonyorow senuya (ka bi so kono fo ka se koorisugu ma), olu ye baaraw ye, minnu ka kan ka waleya a ne berebere ma.

koori kalite filanan toni 14824 de sorola baarasan temenen ani kalite sabanan toni 269. O be ben CMDT sekiteri kelen ka koori sor hake mums de ma. O hake ka ca kosebe, awa a be bin don bee kun fana (CMDT ; Mali jamana ani cikclaw). O kanma, a kafisa bee ka jatemine ke lakolidenw ka ladilikanw la ka jesin koorib taabolo numan ma, an'a la sagonni. I n'a fo an da sera a ma cogo min kalo temenen, koori kalite numan doron de be se ka feere nogoya la. Aw jemaaw ka kan k'u banban koori lasagonnen kolosili kan suguw kono.

N'an ye jatemine ke, salon baarasan temenen kono, Aw dow ka koori jenina. Hali n'an dun sera ka koori jeninen fan do lakisi, a man ca a la, o ka ke kalite folo ye.

I n'a fo an b'a fo cogo min na, banakunben kafisa banafurake ye. O de kanma, koorisugu laminiw ka kan ka furaw k'u jeya. Denmisew ka bali ka na tulo ke sugu kono. An kana tewuli ke koorisugu kono. Ji barikon falenw ka kan ka sor koori sugu bee kerefe.

An b'aw fo aw ka faamuya kanma, ani k'a fo aw ye ko k'an ben siye were. Ni Ala dijena n'a ye !

**Usumani N. Tarawele  
CMDT kalanfakuntigi (Bamako)**

## Poyi sanji

Neemako dere

Fen kelenpe min kasaaraw si t'a nafaw nemadogon o ye sanji ye dere ka bo an ni san ce k'an nafa

Ani ka silatunu dugu ro

Bee be balo ale la

Bee be balo ale fe

Bee be balo ale koson

Ni nin ye Ala ta ye

i k'a don farikolo ye

sanji nooro ye

An k'a dun

An k'a min

an k'a susu

Nin bee ju be sanji la

Ka sumankiss kelen wolo kemene

O setigi ye Ala ye dere

Nk'a nefowale ye sanji ye

O yere te maa kamanagan barisa

Dijen ko bee ju be wuli sababu la

ka teme sababu fe

Ani ka sa sababu kono

Ka toli sababu kono

fo ka silatunu sababu kono.

**Tumani Yalam Sidibe**

## Hakiliseneke

Dijen taasira bee minebaga ye mogo timinandi de ye. Ale de be fura sor ko bee la, barisa n'a ye ko min ju mine, a to bila fo kun. Awa, o ye dijen yere de ye koyi !  
Ni ko si sabuntan te, ko si fana furantan te de. O de kanma an ka cekoroba y'a fo n ye ko. "Ni cunkanko kunkora , folo i k'a kuncere sebekoro ta !"



**Tumani Yalam Sidibe**

# Koɔrisi lakolokolo



A bɛ waati jan bo sisan, koɔrisenekene fanba bɛ cike ni koɔri N'TA 88-6 de ye. Ale koɔri su-

guya tun man ka di finidilan iziniti-

giw ye kosebɛ. Nika, bi, a ko man di koɔri sanna caman ye. N'YA 88-6 koɔri ne be boli ka taa nereñugu ma. Bi bi in na, finidilan izinitigw dun be koɔri ne je lawasalen de nofɛ kosebɛ. Walasa a ka joçoro dije koɔrisugubaw kono. CMDT y'a lajini ka taa finidilan izinitigw sagonasira fe. O de kanna koɔrisi kuraw be ka caya, walasa ka N'TA 88-6 nonobila 2004/2005 baarasan na. O koɔri kuraw jiralen be duguma katimu in kono. (A be tali ke kenéhakew la, minnu danna u si kolokoli kanma ninan).

Koɔri hake be sɔro nin si cayali forow kono, o be ke ka forokene tari 570 000 nɔgon dan, koɔri tilali maraw ce, o be tali ke mara kelen ke- len bee sanjhake nata la.

An b'a nini cikedaw fe minnu sen be sicayaforoko ta, u ka lakolidenw ka ladikanw waleya a nema, walasa an ka koɔrisi numan sɔro bee lajelen kanma.

**Ka bo CMDT nemaayaso la  
(CMDT kalanko bolofara) -  
Bamako**

Koɔri suguya	tarihake cikelen	a bɔycɔ
NTA 90-5	4 826	Mali (N'Tarla)
N'TA 93-2	4 041	Mali (N'Tarla)
N'TA 93-15	1 935	Mali (N'Tarla)
STAM 59-A	29 655	Togo Jamana
STAM 279-A	2 898	Togo Jamana
STAM 18-A	855	Togo Jamana
R 405-5	8	Kodowari Jama
Kuuru	44 221	

## Ñesigi jiginew ye kongo kelenmenba ye

Walasa ka kongo kɛlɛ ka bo a ka maraw kono, CMDT ye ñesigi jiginew sigisenkan taabolow siraw don a ka Aw koro mara kelen kelen bee kono. Awa, ka bi san 1985 waatiw la, dugu caman kono kongo ka cikela ka samijɛfe baaratige hake dogoyara ñesigi jiginew ninnu kun ye de Aw ka suman san da nɔgonria a dadumanwaati, k'a lasagon ani k'a latemé dugumogow sumankɔ gelyabagatow ma, juru walima je la, nɔgojya bèreberé la. Maa be se k'a fo hali dunkafa sabatili duguw kono, k'o fanba sababuyara ñesigi jiginew ninnu siratege la, barisa u kera jigiyawadaw ye haali ciklaw bolo, min y'a

caman bali sumanko hamigu ma forosiraw kan samijɛ fe. An ka bamankan na, yali a te fo wa ko : "ko do nini ka minse se be ce do ye, nk'a don-ka-ta se t'o ye" ? Samijɛ fe, ni sumanko hamigu banna cikela la pewu, a be baara k'a nema o de la ka dugukolo kɛlɛ, ka san caman suman bo a san kelen bulukuli la. Nka, bɔre lankolon te jo cogo min na, konoñbara fana lakolon biri mandi de ka daba wuli - ka - cun sègen kun. Maa be ko o ko la dije kono fen kelen min ka gelén, o ye sumanko dëse ye. Maa falen de be i kogo da dije baara gelén bee kan, ka s'u la. Awa suman de kelenpe fana be mɔgo ke sumanmasa ye. Suman

mana dëse konoñbara la samijɛ o samijɛ kono, a be dëse foro la o samijɛ kelen kono, halil ni sanjiko kera "bonkolontigi ka jore banbali samijɛ ye" !

An be samijɛ dumanba in labanwaatiw la sisan, a ka kan dugu kelen kelen bee ka sinijesigi ke sumanko la. ñesigi jiginew ka labarika, ka taajɛ bèreberé don a ko la. A m'a ye, suman b'i ko nafolo de, ale do ka kan ka sɔro bolokoro waati bee, barisa, don n'a diya o diya, siginogon do be sɔro a ko gelya be min na.

**Tumani Yalam Sidibe**

## Dunkafa tøgøladonba dijë kono, ani dijë togodalamusow tøgøladonba gintanw taabolo Mali kono

**D**ijë jamanaw bëe be laben na dunkafa tøgøladonba dijë kono gintanw keli kan-

dalamusow bëe ni njogon ce, u be kunnafoniw ni'kalansira soro min si-ratege la.

kene kan musow ni baaraminenko la, kerenkerennenya la, togodalamusow ka baaraminenko.

Mali segesegeli kalansenw ka fo la, musow ye hake % 52 njogon de ye Mali jamahake la. (San 1998 jateba dun y'a jira ko bunaadamanen hake miliyon 11 de be Mali kono). O jama fanba (% 80) ye togo dala-maaw ye. O hake fana fanba (% 84) ye musow ye.

O togodalamusow joyorō ka bon kosebe Mali jamana ka netaabaa raw waleyali la. Senekeyorō la, baarakela (% 60) ye togodalamusow de ye. Awa joyorōba de b'u la fana sumanko sabatili la (% 80). U dun b'o baarabaw ke ni baarakeminenninw de ye.

Ka fara o forokonobaaraw kan, joda b'u la fana denbaya ladamuni na (denbaya ladonni ; denw lada-



*Dunkafa ka jesoro ni togodala musow ka netaa te sabati abata duguba-kono musow ka wulikajo ko !*

ma, ani dijë togodalamusow tøgøladonba gintanw. O be ke okutoburukalo nata.

Mali kono yan, nin donba fila minnu donw be da njogon kan (okutoburukalo tile 15 n'a tile 16), u gintanw be laben san o san sene ni monni ani baganmara minisiriso fe, ani muso ni den ni du yiriwali minisirimiso fe, njogon fe.

Fen min ye togodalamusow tøgøladonba ye, okutoburukalo tile 15 sugandira o kanma ka da dijë senekelaw ka tonba (FIPA) ka lanini kan, musow tøgøla njogonyeba senfe dijë kono, min kera Beyizingi dugu kono, san 1995 setanburukalo la. Donba in gintanw sigira sen kan walasa ka taasibila ke ka jesin dijë togodalamusow ka wulikajow ma. Donba in ka lanini de ye ka njogon koladon sira bila dijë togo-

Mali kono yan, jemukan min dira



*Ce ni muso, baara de b'an be ne an yere ma ani faso ma.*

ninanta donba gintanw ma, o ye : "togodalamusow ni baarakeminenko" ye.

O jemukan be gelyaw bëe bila

muni ; denbaya furakeli). O baarraw, hali n'u nafa ka bon haali sigida ka dinatige la, u koni segen

*A to be ne 5nan kan*



**Togodalamusow ka bɔnɔgɔla tε se ka sabati u yerew kɔ, nakɔw ni dukɔnɔbaaraw la.**

barika ka bon kosebe, u be waati jan ta fana.

Baara ketaw hake caya, ka-da u geleyaw kan, o b'a to togodalamusow te waati jan sɔrɔ k'u nesin yiriwali wale werew ma : (kunnafoniko ni kalanko). O temenen kɔ fana, musow sen te baaraminenko la : (Laburu ; dannisira cilan ; kɔrose, masin ; olu n'u nɔgonaw). O be ke ka da baaraminen sɔrosira geleyaw kan walima u ntanya yere.

Musow ka minenntanya jɔyɔroba be togodaw forow sɔrɔ binni na kerenkerenya la, dunkafako geleya. O de kanma, k'a dalen to a la ko musow jɔyɔro bonyara kosebe dunkafa sabatiliko la, Muso ni den ani du yiriwali minisiriso ye jemukan in ta ninan donba gintanw kadara kɔnɔ, a n'a jemukan.

Nin jemukan in hakilina b'a nini ka musow ka minenntanya de kεlε, walasa ka dunkafa sabati.

- ka jamana kɔnɔmogow ni dijε jama bee lafaamuya togodalamusow ka minendese geleyaw kasaaraw kan.

- ka togodalamusow ka baaraminen deseli sababuw n'a geleyaw

nini k'u sidɔn.

- ka baaraminen juruw don musow la.

- ka juru olu sɔrobagaw kalan (a kelen-kelen walima u jekulu) minen sɔrolenw ladonwalen taabolo la.

**Fen min ye dijε kɔnɔ dunkafa togoladonba ye,** Ale gintanw be ke "FAO" fe san o san okutoburukalo tile 16. "FAO" ye dijε jamanaw ka donnɔgonnatɔn (ONU) bolofara ye, min nesinnen be dunkafa ni senε sabatili ma dijε kɔnɔ jemukan kerenkerennen min tara dijε seleke naani kɔnɔ ninan donba in gintanw kanma, o ye nin de ye : "Dijε bee k'a je ka kεlε".

Jemukan in ye waleya weledali jemukan de ye ka nesin dijε kɔnɔnabɔda bee ma, walasa u k'u fanga fara nɔgon kan ka kɔnɔ kεlε.

"FAO" ka jateminew y'a jira ko maa miliyon caman de sera k'u yere bo kɔnɔ la. Nk'o n'a ta bee, hali bi, maa miliyon 840 de be dijε kɔnɔ baloko geleya be minnu kan.

Lajini min kera dijε baloko sabatili nɔgonyeba senfe san 1996, ni segin kera o kan siŋe caman were,

n'o de ye dijε mɔgo kɔngɔtɔw hake dɔgɔyali ye ka s'a tilance la san 2015, o kɔni yɔrɔ ka jan an na haali.

"FAO" dun ka fo la, kɔngɔko in geleyaba sababu be nɔmaaw de ka wulikajo kεbaliya la. Jamana caman de y'u kanbo kɔnɔ kεlεli kanma, nk'a min ye walew k'o siratege la, o man ca. Jamanaw dun ka kan ka feerew de tige walasa baara in be sira sɔrɔ, ka faantanya ni kɔnɔ kεlε.

O de kanma dijε jamanaw bee y'a lajini ka wulikajo ke nɔgonfe kɔnɔ kεlεli kanma.

Mali kɔnɔ yan, nin donba fila gintanw de be ke nɔnɔ (Segu mara la), okutoburukalo tile 16 san 2003.

O don kelen na, muso ni den ani du la yiriwa minisiriso fana mara kunda bolofara bee be nεnajew laben walasa k'a to mali mara bee musow be donba ninnu gintanw k'a nema.

**Laseli kεbaga :**  
**Kulibalila Tata jire**  
**"OP" bolofara nɛmaa (CMDT)**  
**bayεlemabaa :**  
**Tumani Yalam Sidibe**

### Kolosili :

An b'aw ladonniya ko dijε togodalamusow ka gintan jemukanba min tara dijε tonkun naani kadara kɔnɔ, o ye nin de ye : "Musow sendoncogo numan dugukolo ni ji na-fasorosira la". Nka, ka da an ka jamana yere kɔnɔ geleyako kan ka nesin togodalamuso ma, an yere ye jemukan kerenkerennen sigi sen kan ka ben an kunkow ma. O ye "togodalamuso ni minenko" ye.

## Mali ka netaa



*N'a y'a soro togodalamogow tun b'u joda dōn mali ka netaako la,  
tungafetaabagaw tun be jate kelen-kelen*

Fen min be Mali ni jamana caman bo nōgon ma, o de ye ko "Malide-nya" ye wasoko ye Maliden kelen kelen bēs bolo, Mali kōnō ani Mali kō kan. Awa, o ma damine bi. O yera kabi Mali sigibaga folōw la. Ni netaa-siraw b'an ye, olu folō y'o hakilina ye.

Nka, a man kan cogo si la jiri ka kungo mumē nēmadogon. N'an b'an faso fe, o kan ka sēmentiya ni baara waleya de ye. Fen kelen dun kelen be ka ne kamanagan bi. O ye tungafetaa dusudonko jugu y'an ka denmisēnw bēs kōnō : togodala denmisēnw bē suuru duguba kōnōnaw kan sanga ni waati bēs ko barisa dugukolo t'olu mako nē belen u boyorōw la. Awa dugubakōnōden-misēnw kelen be ka la naansara ja-manabaw ka lasigidensow kōnēnabōdaw fa sanga ni waati bēs "paseborō" jini na walasa k'o jamanabaw lasorō, ko barisa baara te Mali kōnō.

Kabako dērē, jamana min yērē baa-rāw ma damine folō, n'a fōra ko baa-ra te yen, o be mogō kamanagan dē !

Fo ka se bi ma, an ka kungoda sēnēta cikēbalikēne de ka bōn n'a cikēlen ye. Fen min ye dugubakōbomaw ye, maa b'i ban baara de ma, nōntē baarades eko

te folō. Tīrē don, forobabaaraw ni kalosaralabaara tōw sōrōli ka gēlēn haali, nka bēs b'a dōn ko sigi te maa bolomayelēma bali fana sōn koyi ! Feērē kelenpe de bē baarako gēlēya in na, hali n'a bōlen be jalaji fe, a min ka go. Feērē ka sigi sen kan min be togodalamaw bali ka na tilemakē ni samiñēkē la dugubaw kōnō. O danma waleyali bē wolo nafa saba de la, min kelen kelen bēs ye jamana ka taajēsira jōnjōn ye :

- **A folō** : Dugu misēnw kōnō denmisēnw ka nabaliya dugubaw kōnō, o b'a to u b'u ka bolomayelēma baaraw bēs siri u ka sigidaw sōrōdaw la : dugukolo, u bē min labaara samiñē (foro) ni tilema (nakō) ; kungodaw, u bē sigidaw jiriw n'a kungokōnōfēnw tōnōbō yōrō minnu na sariya hukumukōnō (di ; jiridenw ; situlu...). Dugukolo ni kungodaw dun labaarako juman duguw denmisēnw bolo, o tōnō bēs se jamana bēs de ma.

- **A filanan** : Dugu misēnw kōnō denmisēnw ka dugubaw kōnō nabaliya bēna n'olu ka dugubaw kōnō baara ketaw kēbaw wajibya sōrōli ye dugubaw kōnōmaaw yērē la : wotoroninboli ; sokonōbaaraw ; ani bololabāra wērēw. U kēbali tēna to barisa a ka gēlēn baarantan ka tile

*A to be nē 11nan kan*

## U ko...

Finentō kan'a dōn k'a bē si-rada la, o ye tīrē ye. Nka, finento kan'a dōn k'a bē kolōn kōnō, o ye tugu ye !

**Mori Sumanō  
arajo Mali nēgalikēla dō**

— — — — —  
Ni maaw dōnfēn kōrō nēmatununa u la ka waati jan kē, n'a kūnbōra kokura, a bē kē u bolo i ko fen kura.

**Sanba Nare  
Seko ni dōnko tigilamaa**

— — — — —  
Dusu ni timinandiya de bē se ka kulu bō a nōna, u tē dēsē fen si la, nk'o k'a sōrō i yērē ka lajini tigitigi ye kēta ye !

**Sidiki Konatē  
arajo Mali nēmaaba**

— — — — —  
Miseli ka dōgō, nk'a tē kunu ! Fen fitunin maasibama de bē ko beleble silatumu kara-ba !

**Burukina Faso  
filimubōlaw (ntēn en  
ntēneen telewison Mali la)**

— — — — —  
Fen min dun ka di, o de nafa ka bon, barisa a bē da diya, o fana k'a caman jigin kōnōbaara la. Bōrē falen dōrōnpe de dun bē jo !

**Nakani Madi Jara  
ka bō Fana (Kati kafo)**

## Kenyea nasira : Dunfen juguw bë dankari an ka Kenyea la, an k'u to yen pewu.

**F**aransi dönnikelaaba do y'a fo, a bë san këmë caman bo bi, ko "adamaden te sa, a b'a yerefaga de" ! O tun ye Monten kan ye. Nk'o jamana kelen hakili jagabo tigilamaaba wëre, n'o ye Bilezi Pasikali ye, o fana ko, o waati kelen masurunya la ko : "Bone temesira donbaliya de ka jugu, nontë, n'i y'a don, i b'i yere bali ka taama a fe, n'o këra i ni bone te kunben" !


Nin yoro in na n têna segin a kan k'a fo aw ye belen ko sira ma ni. Sira mugu fara sira sisi kan, aw bës b'a don sa k'o nafa foyi t'an ka kenyea kan. Aw m'a ye, sira kasaara te fo ka ban. Nk'o n'a ta bës da bë se ka se an maasiba bakurunba duuru ma :

- **folo** : Sira b'an joli tijë, ka bari-ka bës bë an farikolo la kana kelesew la. O de kanma sogosogoninje ni fogonfogonbana tow ye siraminnaba bës sataw ye !

- **filanan** : Maa te sira diyabo ka cénimosoya nasira diyabo. N'a bë fangadogoja lase ce caman ma, a bë diya nagasi musu caman bolo.

- **Sabanan** : A b'an ka nafolo tijë, keréñkerénneny la, sikarati-minnaw. Nka, hali ni siramugumin-aw don, an k'a don, ko sira nege-jugu nekoro dutigi bës bë dese joyorofa la du kono.

- **Naaninan** : An ka kungojeni caman ju bë siradala sikarati jukurun filili de la, k'a tasumama to. Awa, siramuguminhaba furunogon lafiyalen te cogo si la barisa a musoma ce te siradaji ne jugu yeli kunni n'a yere la waati min, a cëma muso bë daji ju celi walima a yekojugu la o waati kelen. Awa jurumuto te ka siraminna (sikarati ; siramugu ; tabadaga...) bë, barisa a nögön siginogontoro te ! sikarati walima siramugu : walima nunnasira fijë juguw bë fili fan bës fe : ne minnu b'u ye, o bë negin ; u fine bë sama



*An ka je ka nögön lafaamuya min fen juguw ni dunfen juguw kasaaraw lkan, o de b'an kisi banajuguw ma*

ka se farikolo fen o fen kono, o bë bana, awa u bë da masiri o masiri la, o b'o sarantanya.

- **Duurunan** : Siraminnaba bës denw ni tulojalandimi bë bange. O bolen ko ye yere, a ka c'a la, hakilidësë bë soro si raminnaba bës den do la.

Nin bakurunbafo kelen kelen bës y'a ka dantigëkan ye. Nk'ar bë sinsin fen min kan, o de ye ko sira maasiba yere koson dijë sariya bës y'a bali a minbaga k'a min jama na.

An ka nin sen in taabolo bë fen min kan, n'o fana maasiba bë da si raw ta ma, walima a b'olu ta jë, o ye "bögönin" ye, bögö min dumuni donnent bë barikà la bi dugubaw ni dugu misenw bës kono.

N'a dunbaga fanba ye musow ye, cew fana sen bë ka don a la.

Mun nafa bë "bögönin" na maa fagacogo jugu kë, k'i to i sen kan ?

An balimamuso madamu BA Mayira So ka fo la, n'o ye dönni tigilamaa dö ye jamana baarada la, bögönin bë a dunbaga joli n'a ji ja ka bë a farikolo la. O b'a to a bë ke maa barikantan ye, ani k'a dusukun ka baara geleya.

Dogotoro Dajeli Kone ka fo la, ka

bo Banko, "Bögönin b'a dunbaga joli tijë cogo min na, a b'a farikolo kono minen bës nögö o cogo kelen na. O de kanma ale ka farikolo keneyako ye bënsen makoye cogo di bögö donnent farikolo min jemisen bës fe, o bë se ka kenyea. Sisan, adamadenw ka bala - ka - saya caman ju bë "bögönin" na, barisa a dunbaga farikolo lafulen de b'a sen kan sangal ni waati bës. Awa, "bögönin" dunbaga jora a la i ye wo, a ma jo a la i ye wo, i k'a don a ni dusukun-nabana ni fogonfongon dësebana te ban.

An k'an janto an yere la, ka sira suguya bës yoro janya an yere la, ka "bögönin" haramu an ka dinenatige kono, o danma ye si kuntaala jan baju bërebëre ye !

**Tuman Yalam Sidibe**

### Tijë yelekokumaw

Cekoroba dö lagosikan a muso fe : "Eyi ! e joli sawura tijenien i ko "bögönindunna ta, a don ko ni maa y'i ban i da n'i son an'i bijen na de, k'i bë siraw, a sugu o sugu, lase i da ma, ka ko bës damine da-ro-no-golonya la folo !"

**T.Y Sidibe**

# "Den min b'a kaman korota o ta ka di"

**N**onsonbugu World Vision be k'a jeniyɔrɔ fin musow demeni na. World Vision ye demejekulu ye, min ka dème fanba be nesin musow ni denmisenw ma.

O siratige lá, Nonsonbugu dugu kono sinjésigiton musojekulu ye tile 27 kalan ke ka nesin galako nədənni ma, min labenna World Vision fe,

galako kalan in na, u ka nəmaa ye kuma ta musojekulu togo la. A ko u be foli ni taanuni ke ka nesin Nonsonbugu World Vision nəmaa Mariki Otoze Goyita n'a baarakənogonw bee ma, k'a sababu ke u ye nin waleya min ke ka nesin olu Nonsonbugu sinjésigiton musow ma nin ye, k'o ye fən ye u te ban min nafa soro

ka jən ye. Sabu, n'i ma sən k'i ka sigidā baara, i be taa fara do kan k'o ta. Labaara. K'o dun mana ke, i sako t'i yere latugun. O tuma, ko ni Ala ye olu Nonsonbugukaw garijigé don World Vision nəgənna demejeku la cəsirilen na yiriwali-baraw waleyali fe ka nesin adamaden suguya bee ma : sənekela, baganmarala, mənnikela, bolabaaarakela, denmisen ni maakɔrɔ, ce ani muso k'o ye Alataanukoba ye. O hukumu kono, n'a sera k'a ka bololabaarakalan kunfɔlɔ nesin anw sinjésigiton musojekulu ma galako la, anw ka kan k'an cəsiri kosebe walasa an na ke taamaseere ye ka jira World Vision baarakənogon komini 4 musow la.

Makan Danbele ko a te se k'a ka kuma kuncé n'a da ma se World Vision ka hakilina nənama do sinsinni ma, n'o ye balikukan ye. Ko sabu hali u file baaradegekalan min kunceli kene kan nin ye, k'o sababu bora balikukan de la. O tuma, k'a b'o foli ke World Vision ye, halisa k'a k'a cəsiri o fe ka taa a fe. O temenén kɔ, méri Npiye Konare fana y'a ka nisondiya jira. A ko ale ka kuma tēna janya. Ko sabu n'i ko : "nisondiyabagato ma k'a ka tasuma faga, ko n'a daji m'a faga, a neji b'a faga".

Madamu Nanbele Sitan Goyita min ye kalanko kəlosibaga ni galadonkaramogó faamuyalenba ye, ale ye laadilikan caman fo kalandenw ye kalan in kunceton, walasa u ka dənnya sōrən kana ke gansan ye, ani ka maa werew tige u la.

Kunnafonikunce la, Mariki Otoze Goyita min ye Nonsonbugu World Vision nəmaaba ye, a ye laadikikanw ni bilasiralikan caman fo u ye World Visioon ka baaraw taabolo kan u duguw kono. A ko World Vision nakun ye dème ye, n ka ko a kelen fagan te se, f'u ka fara nəgon kan. Ka masorɔ an ka kumadonsow ko : "kɔnɔkulu jelen de be bii fo".

**Yusufu Fane**



*World Vision ka dème fanba don be se denmisenw de ka nətaa ma*

n'a musaka mume benna sefawari dɔrɔmè miliyɔn 1 ani ba 700 000 ma. Madamu Nanbele Sitan Goyita ka fo la, ale min ye balikukan ka kəlosibaga ye Nonsonbugu World Vision na, galako karamogoba fana don, muso maa 33 ye nəgən soro galako kalan in kene kan tile 27 kuntaala kono, k'a ta məkalo tile 5 la, ka taa se a tile 31 ma. Tile 27 in kono, Sitan Goyita ye galako gundomayɔrɔ caman nəfɔ kalandenw ye. I n'a fo galaw nagamicogo, finiw siricogo, ani ji hake dənni walasa fini nə ka diya maaw ye, minen minnu dafalen ka kan ka soro galadonna bolo walasa baara ka ke kə nə, olu n'u nəgənnaw.

Sitan ka fo la hali bi, kalan in kera bonya ni nəgənfaamu ani kotoñgɔntala kono. O temenén kɔ, kalandenw ye faamuyali caman soro galako kan tilemuganniwlowlakalan in senfe.

*Een min y'e kalandenw yerew hakilina ye ka nesin World Vision ria*

la. Ka masorɔ bamananw b'a fo ko : "sanni i ka maa min dege jegedun na, i k'a dege jegemine na". O hukumu kono, ko ni World Vision kera sababu ye ka olu dege galadon na, k'o ye fən ye olu ma dan soro min na. W'a k'a ye do fara u ka faamuya kan. O temenén kɔ, kalanden caman y'u ka nisondiya jira galado kalan in kan.

Sibiridon, məkalo tile 31, kalan in kuncera. Makan Danbele tun be yen, ka fara Nonsonbugu World Vision méri Npiye Konare kan, ani Nonsonbugu World Vision nəmaa Mariki Otoze Goyita ni madamu Nanbele Sitan Goyita, n'o ye World Vision ka balikalanko kəlosibaga ye.

Min ye Makan Danbele ye, ale y'a ka nisondiya jira. A ko a be foli ke ka nesin World Vision nəmaa n'a baarakənogonw bee ma. A ko an be mara cəmanboli bondakun min na nin ye, ni dugu o dugu maaw ma u cəsiri ka fara nəgon kan ka labaara ke, o maaw meen o meen be ke do

# SANANKOROBA KOMINI KIBARUYA

## "Bolokoniden kelen te bélé ta"

**S**anankoroba ye dugu ye min bë Bamako ni bayanfan ce ni kilomètres 30 ye Sikasosira kan, n k'a bë Kati kafo fë. Sanankoroba ye Kati kafo kubeda be-

mara cemaboli waleyara an ka jamaa kono. O senfe, Sanankoroba kubeda tilala komini belebele 3 ye : Sanankoroba komini, Bugula komini, ani Jalakoroba komini.



*Sanankoroba komini méri Siyaka M Trawe*

lebelé ye, min jama hake ye maa 23 856 ye. A dugukolo kenc bonya kilomètres kare 1500 (1500 km<sup>2</sup>) ye. Sanankoroba kubeda ni kubeda 4 bë danbo, minnu ye : Baginda kubeda, o b'a ni koroñ ce, kuruba kubeda b'a ni tilebin ce, Welesebugu kubeda b'a ni worodugu ce, Bamako b'a ni këñeka ce.

Siyako nasira la, o caman bë Sanankoroba kubeda la i n'a fo bamanaw, maninkaw, fulaw, marakaw, sɔmɔnɔw, ani surakaw. Nin maa minnu ka baara fanba nesinnen bë sene ni baganmara ni jago, ani mɔnni ma.

Laadalakow : Mahamadudiine ye kokoro caman dabilo yen. Nka fen minnu ye furuko ni bolokoli n'a nɔgɔnnaw ye, olu bë ke'u cogo koro la, ka d'a kan sɔnni fanga dɔgoyara.

San 1991 jahadiba téménen ko,

O hukumu kono, k'a ta utikalo tile 25 la, san 2003, kana bila a tile 28 na, Jekabaara ka ciden dɔ ye taa-ma ke Sanankoroba komini kono, walasa ka jamanadenw bɔ kunpa na Sanankoroba komini maaw ka césiri la u ka sigida layiriwalibaa-raw waleyali la.

O hukumu kono, an ni Sanankoroba komini méri Siyaka M. Tarawele ye baro ke, minnu bɔra la, olu file :

Sanankoroba komini ye dugu 26 faralen ye nɔgɔn kan, min faaba ye Sanankoroba ye, n'a jama hake bë se maa ba caman ma. Siya caman bë sigi la Sanankoroba komini kono, i n'a fo : Bamanaw, fulaw, marakaw, ani surakaw.

Baarako nasira la, û ka baara nesinnen bë sene ni baganmara, ani jago ma.

Komini yere sigicogo la, a ni Bamako komini wɔɔronan bë danbo bayanian fe ; a ni Muntungula bë danbo kɔron fe, a ni Bugula bë danbo woroduguyanfan fe ka digi kɔron kan, a ni Jalakoroba bë danbo woroduguyanfan fe, a ni Naganinna bë danbo tilebinyanfan fe.

Mara cemaboli nasira fë, Sanankoroba komini méri Siyaka M. Tarawele ka fo la, o kera sababu ye k'a nafa caman n'e komini-kɔnɔmaaw ye, i n'a fo u ka sèbenko, n'u kunko caman wɔrew, minnu bë nənabɔ u yere ni nɔgɔn ce, n'a ma se fagan solataa ma. Ka d'a kan, waati dɔ téménna, ni maaw tun fɔra nɔgɔn kɔ, k'a sababu ke nɔgɔnfaamuyabaliya ye, o tun ye fan bëe maa mako salen ye. N'ka Mara cemaboli kera sababu ye ka belebele bɔ o kow la Mali fan caman fe minnu y'a ko faamu joona.

N'an da sera nafaw ma, a waa-jibiyalen bë an da ka se gelyaw fana ma, u fura sɔrɔli fara u sɔrɔbaliya kan. Ni maa min y'a jate ninen, an ka togodala kominiw ka gelyaya fanba ye nisɔnɔng-sarabaliya ni sirako ye, ani lakɔlikaramɔgɔko. Sanankoroba komini méri Siyaka M. Tarawele da sera gelyaya saba minnu ma nin ye, a ko u ka komini dugu 26 bës lajelen ye u césiri ka gelyaya fila kɛlɛli daminé, minnu ye : sirako ni kalanko ye. Sabu n'i ko lakɔlikaramɔgɔ, i ko kalan. O hukumu kono, min ye gelyaya bës lajelen baju ye, n'o ye sirako ye, Taraweleké ka fo la, san 2001 u ye Sanankoroba ni Turela ce sira kilomètres 16 laben, ka Sanankoroba ni Kɔnjɔbila, ani Njanjan ni Sènè, ani Bankɔ ce sira kilomètres 7 laben, minnu musaka mume bës lajelen benna sefawari dɔrɔmè mi-liyon 15 (d... 15 000 000) ma, n'a

**ne 8nan tɔ**

sira mumé janya bë ben kilomètère 29 ma.

San 2003 la, u ye Sanankoroba ni Baala ce sira labenni daminé, min janya bë se kilomètère 30 ma, n'a musaka bëe lajelen bë ben se-fawari dörôme miliyon bi saba ni fila (32 000 000) ma. Siyaka Tarawele ka fo la, gelyea dòw donna baara in senkoro, o kera sababu ye n'a ma se ka laban. Nka, ko ni Ala sonna, u ka san 2003/2004 baarasan baa-rakénafolo jate miné waati mana se, k'u ba labanni nafolo to jate o senfe ka fara o kan.

Fen min ye kalanko ye, Tarawele ke ka fo la, Sanankoroba komini dugu 26 bëe da benna Kalanko ma. Ka d'a kan, "Plan Mali" ye lakoliso jo a komini dugu caman kono. Nka lakoli karamogo tu bolo minnu bë denmisénw kalan.

O siratige la, san 2001; méri ye lakolikaramogo 10 ta, a yere bë minnu sara, san 2002, a ye kararamogo 15 ta, a yere bë minnu sara, San 2003, ka 20 ta, a yere bë minnu sara. Ninnu kera waleyaw ye Sanankoroba komini sera ka minnu ke san damando in na.

Kominiw ni goferenama maaw ce :

Sanankoroba komini méri Siyaka M. Tarawele da sera a maa ka kuma senfe, ko ale ka komini maaw ni Sanankoroba kubeda goferenama maaw bolo bë nögón bolo u ka yiriwalibaaraw temesira bëe la. O temenen kó, a ko bën ni kelenya ani nögónfaama bù ni nögón ce.

**Sanankoroba komini demejogonw yiriwalibaaraw sira-fé :**

- Pilari-Mali
- Suko-Mali
- Baaranuman
- Mali "fölikesanteri"
- AMPE (Mali kono, sigida lakanaton)
- AMCFE (Mali kono, sigida ni

kungo lakanaton)

Nin jekuluba 6 ni Sanankoroba komini bolo bë nögón bolo yiriwalibaaraw sabati sira bëe lajelen fe.

**Kunceli :** Siyaka M. Tarawele da sera kuma nafama caman a ka köröfó künce waati. A ko fen min ye mara cemaboli ye, fen don min ma faamu an ka maaw fe fölo. Kerenkerenneya la, an balima togodalamaw.

O tuma, a b'a pini jama fe, u k'a faamu ko mara cemaboli ye bilanyereye de ye.

Ka d'a kan, ni maa kunko fan dòw waleyali tora i yere bolo, n'i m'o ke ka ne, i laban bë taa fara maaw kan minnu sera k'u ta ke ka ne. N'o dun kera, tögo wëre bë da i la min man d'i ye. O hukumu kono, a b'a pini Mali komini 307 jama bëe lajelen fe, u k'u bolo di nögón ma,

yere körö fölen de ye aw ye kuma in na.

**Welekan :** Siyaka M. Tarawele k'a bë wele bila Sanankoroba komini dugu 26 ce ni muso bëe lajelen ma, u k'u bolo di nögón ma ka baara ke walasa sigida bë yirawa.

**Kolosili :** Nin baara in kera Sanankoroba komini ne'maaba damado ka césiri kono, minnu ye :


- Tumani So, méri sebenko nenabobaa.

- Isa Ajosi Tarawele dugutigi ka konseye fölo.

- Fankele Samake, méri ka dankan fölo.

- Mamadou Zan Tarawele, méri ka dankan 3nan.

O tuma, Jekabaara tögola, an bë foli ke ka nesin Sanankoroba komini méri n'a ka jama bëe lajelen ma



*I n'a fo malí komini tòw; Sanankoroba ma to kó sigida yiriwasiraw boli la*

k'u fanga fara mériw ta kan, walasa mara cemaboli min kuma bë ka fo maaw fe, a k'a kun ne. Ka masoro, Bamanaw b'a fu ka kuma do la ko : "Ni sirila k'i da maa wëre kun, i fonicogo b'i konoñafili. Nka n'i sirila k'i da i yere kun, i fonicogo t'i konoñafili : o ye mara cemaboli

u ka kubennikouman na ka nesin u ka dunake n'u ka numuke Yusufu Fane ma, min tun ye Jekabaara ka ciden ye u ka komini kono utikalo tile 25 ka taa bila a tile 28 na san 2003.

**Yusufu Fane**

saba ke baara koro, k'a bolo fila d'a senw kan, ka soro a ma do ke do ye ! Yali a te fo an bara yan tuma bee wa ko maa fila banfen te ?

- A sabanan : O ye jamana kelen ye seréku filo soroyoro ye : Dugukolo ni kungodaw labaarabagaw, ani forobabaaraw ni bololabaaraw ani hakililabaaraw kebagaw. O b'a to dugukolo ni kungodaw labaarabagaw kasenefew an'u ka kungo sorofew be tonoba bo u ka soro la, barisa sanbaga tene dese u bolofew la. Fen min ye dugubakonomaaw ye, hali ni maa baarantanw be ye, o hake tene caya.

Dijes kono, baara n'a kebagaw don. A ka c'a la, ni bee kera baara kelenw kebagaw ye, baara caman jngonna sira bo jamanadenw bee ni jngon te. Sigi yere fana te mogo son ! Nka, lajini kelenpe min be n bolo, o de ye k'an ka togodala denmisew k'a don k'u be nafa min soro u ka sigidaw nafa sorosiraw tonoboli la, o de jngon te. O kanma, kafow ni meri sigidaw de fana ka kan ka labewn ke walasa baara be jngoya denmisew bo lo sigidaw kono. O siratege la, u be se ka jengonsiraw bo u ni banumanketew ni dijes netaa jeku-

lubaw ani foroba cakedaw ce, wala-sa ka kolonbaw sen, ka nakforobaw binni nogoja, ani ka walew ke minnu be kungodaw nafasorodaw sinsin sariya hukumu kono (jiriden ni jiriden bomaw (situlu ; ...); sobilijiriw ni tobilidogow ani finfinw ; dibo ; ji konofenw tonoboli (jegew...). An ka jamanaba in ka netaa birikisira be teme jamanaden kelen kelen bee de ka baara kecogo numan taa-bolo fe. Ni bee y'i joyoro fa, siga ta la maliba na fo n'a koro lakika ye.

Tumani Yalam Sidibe

## An ka dunkafa sabati

**B**aloko ye gelyakoba ye hali bi saheliyan fan jamanaw kono. Mali y'o jamanaw do ye. A ka c'a la, san o san, maa caman de be yen minnu te dumini ke a nema, k'u ka kongo kelle U te bolo soro k'ufa. Balo sumanw be lana ka bo kofejamanaw de kono (eropu jamanaw ; Azi jamanw ; Iameriken jamanaw).

An ka makoje sumanw be lana ka bo o jamanaw de kono. N'an dun ye jate mine ke, an b'a ye k'o sumanko be ke sababu ye k'an ka nafolo fanbalabo ka taa don gun kofolen nin-nu cikelaw kun. Walasa dunkafa ka sabati jamanaw kono, a ka kan suman kilo 250 ka soro o jamanaden kelen kelen bee togo la san kelen kanma. (Sihake bee san sen b'o la, k'a ta den min wolola bi fo ka se du kono maa sihake sankorotalen ma. O de kanma an b'a fo ko suman soro hake n'a ladoncogo numan de ye dunkafa sabatisira jenjor ye. CMDT mara cikelaw dun joda ka bon haali o baara la. U ka kan ka suman caman sene ka t'a walasa k'u ka denbaya ka dunkafa sabati, ani k'a to feere dugubakonomaaw ni jamanaw were maaw ma.

Duguma katimu in be perepere-latige ke aw ye sumanko lahala kan

CMDT mara kono :  
(tableau)

Bakurunbafo la, an be se k'a fo ko koori cikemaraw selen b'u yere koro dunkafako siratege la. O n'a ta bee, gelyaba min be yen sisan, o ye suman sorolen ladoncogo numan ye. Waati caman, cikela ka feereta hake be teme makoneta kofeda kan.

Baarasan	Jama hake	Suman tonihake sorolen	Sihake ani tjetaw (tonihake)	CMDT mara makona suman hake (toni)	Sorolen to hake min be se ka feere
2000/2001	3 094 465	1 140 734	114 073	773 616	253 045
2001/2002	3 156 243	1 277 142	127 714	789 061	360 367
2002/2003	3 242 453	966 103	96 610	810 613	58 880

O be na ni kongo donni ye ga caman kono (kerenkerenneya la, samijedonda waatiw). An b'a nini cikedaw nemaaw bee fe u k'u ka cikeda ka balohake jate ka ne san kanma, sanni u ka suman feereli damine. In'a fo an da ser'a ma cogo min, suman kilohake 250 de ka kan ka soro duoden kelen kelen bee togo la san kanma : (kaba ; sajo ; kenin-

ge ; malo faralen jngon kan). Aw b'aw magere CMDT lakolidenw la walasa u k'aw deme aw ka denbaya ka san balo sumanhake ke a nema.

Anw (CMDT ni cikelaw) ka kan ka an ka suman sorota hake sankorota kosebe, walasa k'an joyoro fa Mali jamanaw ka dunkafa sabatili la.

An ka kan ka ke sinijesigibagaw ye an ka ko ketaw bee la. O de kanma, an b'a nini AW bee fe, u ka sen-

kura jenjor don kafo jiginew kono, ka barika don a ko la. O kafo jiginew be ke sababu ye ka balodesebagato dow ka sumanko sabati. Kafo jigin sigisenkanni musaka be se ka bo AW yere kun, walima banki juru (BNDA ; kafo).


Usumani N. Trawele  
CMDT Bamako

# Cikela n'a denw

**D**iñe waati bëe taasira jònjon kéra ciké ye. Naansarala fara larabula kan, fo ka na

wele k'a ka sarankanna gelén da u ye.

A k'u ma ko :



*Denmisén maakorontan ka ko ma deli ka diya abada !*

gun farafinna gun na, diñe jöra dabananaw dë kokolo kan sanga ni waati bëe. An bëna cikela cekoroba silajolen min ka köröfö fô aw ye nin yorö in na, o ka waati të sisän ko ye. A tile temena a meennna.

Nka i komi diñe ko kelen bëe ye foko ye fo dugukolo melekédon, ko si mankutu të silatunu abada.

Cikela cekoroba in tile ni diñemaramasaba naani dö tile bënnä, n'o ye masa jurukara Nayini ye, ni döw k'a ma ko Alékisandiri belebele.

Don do, cikela cekoroba in sigalen tun be ko do la, n'o y'a ka saya waa-ti surunyali ye. O kanma a y'a denw

- "N denw, n y'aw wele bi kasoro seere t'an körö. N bëe n darókan fo aw ye. Aw k'o minë haali. A y'a ke cogo bëe la aw ka feereli kana se an bangebagaw tijen, ma, u taara ka min to an bolo. A y'a döñ ko nafolomugu dogonnen b'a cëma. Ne koni t'a bilayörö jònjon döñ."

Nka n'aw ye dusu döñin soro ka baara k'a jëma, siga t'a la aw bëna bëe nafolomugu in kan de!".

Tile danmadö sarankanna in kofé, cikela cekoroba sara. A denw y'a suko maatigiyako ke haali. Tile tan ni duuru, u b'a gintan na.

Suko kelen kofé ka ban pewu la-

wasa kono, cikela denw ye forosira mine. Samiñe kuuru u bë baara la. Gungurunw bora u fë, ka wagaw bo, k'u firifiri ; dugukolo bulukura u fë, ka danfen barikamà buguntaw k'a kono. Denw ye baara ke : dabani-kurunni ; soli ; daba fereba, u ye ninnu bëe lateme u temeda fë dugukolo kan.

Nk'o n'a ta bëe, u ma bë nafolomugu kan. U kamanaganna. U y'u kanto njogon ma ko :

- "Aa ! Nin ye kabako ye dëre. An fa dun delilako tun t'an naanini ye nkalon kan de !"

San yelemana. Samiñe y'a ko di ka kéné to tilema bolo. Seneferenw tigera ; a gositaw gosira, k'a wöröntaw wörön; k'a kotaw ko. Cikela cekoroba denw ye sanduu-rusorö de k'o san kelen na.

Don do sufë, u dalen tora sunço girin na, u fa-nana sugo da u kelen kelen bëe njena, k'a fu ye ko : "n denw, ne m'aw naani, nka n y'aw bila soro berema de sira kan. A y'a döñ ko baara de njogon nafolomugu te !"

**La Fonten Niatalentigi  
ka ntaalen  
"cikela n'a denw"  
Labénbaga :  
Tumani Yalam Sidibe**

## Jekabaara

Labolikuntig Sèben nèkulù kuntigui

Tumani Yalam Sidibe  
Sèben nèkulù

Yusufu Fane  
Bakari Sangare  
Usumani N Tarawele (CMDT)  
Tumani Yalam Sidibe  
Demengonw

Fanta Kulubali  
Idirisa Setigi Sakò  
Bonifasi Danbele  
Negenw kebagà

Yakuba Jara ko Kayi  
Labénbaga ordinatore la  
Worokiyatu So  
Baarakengonw

CMDT-World Vision - Ofisi Nizeri -  
Ofisi iri - OHVN  
Hake bota : 11000  
Batakisira : 2043  
Ngesjurusira : 229 62 89  
Jamana baarada - Seki zayed i togola  
sira - Hamudalayi kin - Bamako